

M̄weiñan eo an Rālepen Jādede

kweilok eo eļap

Iakwe Eweppān Ej Joļok Mijak

waanjoñak

jerbal in mijenede

tampeļ ko

Jisōs Kraist

kweilok eo eļap

Iakwe Eweppān Ej Joļok Mijak

Jen Elder L. Tom Perry

Jen Doulul eo an Joñoulruo Rijilōk ro

Elañne kom̄ naaj uwaaki kūr ko ñan kwaļok tōmak ko im eñjake ko ami kōn kojpeļ eo kar kōjepļaaktok an Jisōs Kraist, jitbōn iakwe im jitbōn peran enaaj m̄ōttami iien otemjej.

Būreejtōn Monson, kōmij aolep laudiñdiñ kōn ennaan eo ekam̄ōñōñō kōn jet tampeļ ko rekāāl. Eļap tata ekanooj in kam̄ōñōñō ñan elōñ, elōñ ro nuku ilo jikin kweilok eo an Wyoming.

Kabuñ in ej kōm̄m̄ane juon men ilo aolepen laļ in ñe juon tampeļ kāāl ej ekkal me ej juon men ekkā iminene kake ilo United States im Canada—jej kōm̄m̄ane juon iien kōpeļļok. Ilo wiik ko m̄okta jān aje juon tampeļ kāāl, jej kōpeļļok kōjām ko im kūr tok ritōl ro an kien ijo jokwe ie im ritōl ro an kabuñ, membōr ro rej jokwe ijo an Kabuñ in, im armej ro jān kabuñ ko jet ñan itok im alooje tampeļ eo ad ekāāl kar kalōke.

Men kein rej iien ko remḡman me ejjipaṅ armej ro rejjab jeḷā kōn Kabuṅ in rej katak eḷap ḷok kake. Enaṅin aolep ro me rej etal ṅan juon tampeḷ kāāl rej kejōkḷokjeṅ jimōr kōn aiboojoj eo an itulikin im itulowaan. Rej bwilōṅ kōn jermal in pā ko im tipdik in meḷeḷe ilo piktokin juon tampeḷ. Ilo kakobaba, elōṅ rilotok ro rej eṅjake juon men e jej uwaan im ejenḷok ilo tōl er ilo aolepen tampeḷ eo ejjaṅin aje. Men kein aolep rej uwaak ko an rilotok ro ekkā aer waḷok ilo iien alooji mōko, bōtaab rejjab uwaak ko ekkā aer waḷok. Ta eo ej kabwilōṅ elōṅ rilotok ro jān jabdewōt men ej membōr ro an Kabuṅ in rej iion doon ilo iien alooji mōko. Rej rool kōn eṅjake indeeo jān jipaṅ ko aer, Armej ro Rekwojarjar ilo Raan-ko Āliktata.

Kabuṅ in ej bōk eḷapḷok nōbar jān aolepen laḷ in eḷapḷok jen kar mōkta. Ro uwaan jikin kōmḡman nuuj ko rej je ak kōnono kōn Kabuṅ in aolep raan, kwaḷok kōn elōṅ maḷkūtūt ko. Elōṅ iaan jikin kōmḡman nuuj ko rebuṅbuṅ ilo United States ekkā aer ekōnono kōn Kabuṅ in ak membōr ro an. Ekōnono kein rewaḷok aolepen laḷ in barāinwōt.

Kabuṅ in ebar āinwōt kaṅōl tok elōṅ ilo Intōrnet, me, ilo aṅ jeḷā, emōj an ukōt ilo jekjek eo eḷap an armej leto letak meḷeḷe. Ilo aolep iien ilo juon raan ilo aolepen laḷ in, Kabuṅ in im katak ko an rej ekōnono kaki ilo Intōrnet, ilo blog ko im ilo jikin ikitōltōl ko ilo intōrnet jān armej ro me rejjaṅin kar jeje ṅan juon nuujpeba ak juon mākjiiin. Rej kōmḡmanin video ko im kwaḷoki ilo intōrnet. Armej rein rej āinwōt kōj—jimōr membōr in kabuṅ in ad im jān kabuṅ ko jet—me rej kōnono kōn Kabuṅ eo an Jisōs Kraist im Armej ro Rekwojarjar ilo Raan-ko Āliktata.

Oktak ko ilo wāween eo jej kōnono ej kōmeḷeḷe etke kōj “Mormon ro” eḷap ḷok kile kōj jān mōkta. Bōtaab Kabuṅ in ej iien otemjej eddōk ḷok im wōnḡmaanḷok. Elōṅ ḷok armej rej membōr in Kabuṅ in ṅan ro riturier im ro mōttaer, im ewōr membōr in Kabuṅ in rebuṅbuṅ ilo kien, ilo pejnej, ilo jikin kalimomo ko, ilo jikin jeḷāḷokjeṅ, im jikin otemjej—āinwōt komij lo. Meṅe ro me rejjab membōr in Kabuṅ in rej kūle menin, im rej bwilōṅ ta in ej waḷok. Emḡman bwe ekanooj lōṅ rej kiiō jeḷā kōn Kabuṅ in im Armej ro Rekwojarjar ilo Raan-ko Āliktata.

Ilo an ḷapḷok kūle Kabuṅ in, ej lōṅ wōt armej ro me rejjab meḷeḷe kake. Jet armej kar katakin er ṅan pere kōn Kabuṅ in im tōmak ḷōmḡnak ko renana kōn Kabuṅ in, ṅan aer jab kajjitiin ia eo raar bōk meḷeḷe ko aer. Ebarāinwōt ḷap jab meḷeḷe im pok kōn ta eo Kabuṅ in ej im ta eo ej jutak kake. Menin emool jān tōre eo an Rikanaan Joseph Smith.

Joseph Smith eaar je bwebwenato eo an jidikin ṅan kajimwe ḷōmḡnak ko rebōd me eaar wōr ippān armej ro, im ṅan kōmḡman bwe ren jeḷā kōn mool eo (lale Joseph Smith—History 1:1). Emool bwe enaaj wōr wōt iien otemjej ro me renaaj ukōt mool eo im kōn kōttōpar kariab e katak ko an Kabuṅ in. Bōtaab elōṅ wōt iaan ro ewōr kajjitōk ko kōn Kabuṅ in rej kōṅnaan meḷeḷe. Armej rein ejjeḷok kalijōk ḷok me rej lukkuun kōnaan kōn kōj.

Eddōk ļok eo alikkar im bwebwenato eo an Kabuñ in ej letok jet iien ko rōkōpaļpaļ ñan kōj āinwōt membōr ro an. Jemaroñ jipañ “kajimwe bōd in lōmņak ko an armej” im kajimwe meļeļe ko rebōd ñe jej jutak kōn juon men eo jejjab. Men eo eaorōk ļok ej, jemaroñ kwaļok wōn kōj.

Elōn oran men ko me jemaroñ kōmņani—me komņ maroñ kōmņani—ñan kōļapļok juon meļeļe eo kōn Kabuñ in. Eļañne jej kōmņane kōn juon wōt jetōb im eļañne jej mākūtūt ilo ejja wāween eo wōt jej kōmņane ñe jej kōmņane juon iien alooje tampeļ eo, ro mōttad im ro rituriid renaaj ļap ļok aer jeļā kōn kōj. Pere ko aer renaaj jako, ļōmņak ko renana renaaj makun ļok, im renaaj jino meļeļe kōn Kabuñ in āinwōt juon men emool.

In kwaļok jet ļōmņak ko kōn ta eo jemaroñ kōmņane.

Moktata, jej aikuj peran ilo ennaan eo ad kōn Jisōs Kraist. Jej kōņaan bwe ro jet ren jeļā bwe jej tōmak E ej armej eo eaorōk tata ilo aolep bwebwenato an armej. Mour eo An im katak ko rej enaan eo ioļapļap an Baibōļ eo im bok ko jet jej watōki jeje ko rekwojarjar. Kalimņūr Mokta ej kōpooj kōj ñan kwaļok eo an Kraist ilo mour in. Kalimņur Ekāal ej kōmeļeļeik kwaļok eo an ilo mour in. Bok in Mormon ej letok ñan kōj juon bar kaņool kōn kwaļok eo An ilo mour in. Innām Eaar leļok mour eo An bwe en maroñ ad Rilomņor im Ripinmuur. Kōn wōt Jisōs Kraist lomņor eo epidodo. Eñin ej etke jej tōmak bwe E ej juon armej eo eaorōk tata ilo aolep bwebwenato an armej. Jeramņan eo ad indeeo ej iien otemjej jān jinoin epād ilo Pein. Ej juon men eaiboojoj ñan tōmak ilo E im bōk E āinwōt ad Rilomņor, ad Irooj, im ad Māajta.

Jej barāinwōt tōmak bwe epidodo kōn wōt Kraist ñan lo men eo eļap, kōjatdikdik, im mōņōņō eo eļaptata—jimor ilo mour in im ilo indeeo. Katak eo ad, āinwōt an kar katakin ilo Bok in Mormon, ej kalikkare: “Kōn menin, komņ aikuj buñ maanļok kōn dim ilo Kraist, kōn juon kōjatdikdik emeram, im juon iakwe ñan Anij im armej otemjej. Kōn menin, ñe komņ naaj buñ maanļok, kwojkwoj ioon naan an Kraist, im nīknīk ñan jemļokin, lo, āindein Jemān ej ba: Komņ naaj bōk mour indeeo” (2 Nīpai 31:20).

Jej kwaļok ad tōmak ilo Jisōs Kraist im bōk E āinwōt ad Rilomņor. Enaaj kōjeramņan kōj im tōl kōj ilo aolepen kijejeto ko ad. Ilo ad jermal ijin ilo mour in, Enaaj kōkajoorļok kōj im bōk tok ñan kōj aenōmņan ilo tōre in mālijoñ ko. Membōr ro an Kabuñ eo an Jisōs Kraist im Armej ro Rekwojarjar ilo Raan-ko Āliktata rej etetal kōn tōmak ilo E eo Kabuñ in ej an.

Ruo, erom waanjoñak ejimwe ñan ro jet. Ālkin ennaan eo ad kōn tōmak ko ad, jej aikuj ļoor kapilōk eo kar letok ñan kōj ilo 1 Timote 4:12: “A kwōn juon joñak ñan ro rej tōmak, ilo naan, ilo kōmņan, ilo yokwe, ilo tōmak, im ilo kwojarjar.”

Rilomqor eo eaar katakin kōn aorōk eo an erom juon waanjoñak an tōmak eo ad kōn ba, “Āindein en romaak ami meram iṃaan mejān armej, bwe ren lo ami jermal ko remṃan, im nōbar Jememi i lañ” (Matu 5:16).

Mour ko ad rej aikuj erom waanjoñak ko an emṃan im wānōk ilo ad kajioñ loor waanjoñak eo An nān laḷ in. Jermal ko remṃan jān kōj kajjojo remaroñ kōkōmṃanṃan ḷok ṃakūtūt eo jimor nān Rilomqor eo im Kabuñ eo An. Ilo ami bōk kuṃami ilo kōmṃani men ko remṃan, komṃin ṃaan im kōrā ro emṃan im jimwe, Meram eo an Kraist enaaj kwaḷok jān mour ko ami.

Eo juon, kōmejajaik Kabuñ in. Ilo mour ko ad, jejrāmṃan kōn elōñ iien ko remṃan nān kwaḷok ta ko jej tōmaki ippān ro jet. Ñe iien ikitōltōl ko ad make im ilo jikin jermal ej kajjitōk kōn tōmak ko an kabuñ eo ad, rej kūr kōj nān kwaḷok wōn kōj im ta eo jej tōmaki. Remaroñ in ak remaroñ in jab itok limoier ilo Kabuñ in, bōtaab rej itok limoier ilo jeḷā kōn kōj ilo juon jekjek eo emwilaḷ.

Kapilōk eo aō nān komṃ ej nān bōk kūr ko aer. Ikitōltōl ko ami rejjab kūr komṃ nān katakin, kwaḷok, kejōkḷokjeṃ, ak kōketak. Kobaik er ilo juon wāween eruo-wāween bwebwenato—kwaḷok jet men kōn tōmak ko an kabuñ eo aṃ bōtaab barāinwōt kajjitōk ippāer kōn tōmak ko aer. Lale joñan itok limo eo aer kōn kajjitōk ko rej kajjitōk. Eḷaññe rej kajjitōk elōñ kajjitōk ko, kalimjōk wōt bwebwenato eo kōn uwaaki kajjitōk ko aer. Kememej iien otemjej bwe emṃan ḷok nān er nān kajjitōk jān aṃ ba.

Jet membōr rej āinwōt rekōṃaan dāpij wōt membōr eo aer ilo Kabuñ in āinwōt juon men ettiṃo. Ewōr un ko aer. Nān waanjoñak, remaroñ ḷōmṃak bwe ejjab jikier nān kwaḷok tōmak ko aer. Bōlen rej leḷñōñ bwe remaroñ kōmṃane juon bōd ak kajjitōk juon kajjitōk ippāer rejjab maroñ uwaake. Eḷaññe kain ḷōmṃak rōt in ej itok nān komṃ, ewōr jet Aō kapilōk nān komṃ. Kememej naan ko an Jon: “Ejjeḷok lōḷñōñ ilo yokwe; a yokwe e weppān ej joḷok lōḷñōñ” (1 Jon 4:18). Eḷaññe jej iakwe Anij im iakwe ro rūturiid, jej kalimṃur bwe jenaaj anjo ioon leḷñōñ ko ad.

Eḷaññe emōj aṃ kar pād ilo Mormon.org, eo ej website eo an Kabuñ in nān ro me rej itok limo in ekkatak kōn Kabuñ in, komṃ kar lo membōr ro me raar kwaḷok meḷeḷe ko kōn er make. Raar kōmṃani online meḷeḷe ko kōn er me rej kōmeḷeḷeik wōn er im etke tōmak ko aer ilo kabuñ in rej aorōk nān er. Rej kwaḷok kōn tōmak eo aer.

Jej aikuj kaṃoolol im jipadōk kain bwebwenato rōt kein kōn iakwe eo an Kraist. Ainikier, meñe kōnono ak jeje, aikuj in jeḷā ṃae im emṃan, ikkijien uwaak eo jān ro jet. Jej aikuj ṃool im meḷak im kajieoñ in kalikkar ta eo jej ba. Jekōṃaan joḷok akweel ak pere ilo jabdewōt wāween.

Rijilōk Piter eaar kōmeļeļeik, “A āinwōt Eo ear kūr kom̄ E kwōjarjar, kom̄win barāinwōt kwōjarjar ilo wāween otemjej ami pād im kōm̄man” (1 Piter 1:15).

Rainin, “wāween kōnono eo” me āinwōt ekoba Intōrnet eļap ļok im ļap ļok. Kōmij kōketak armej, dik im rūtto, nān kōjerbal Intōrnet im jikin ikitōltōl ilo intōrnet nān pukōt im kwaļok tōmak ko an kabuñ eo aer.

Ilo ami kōjerbal Intōrnet, kom̄ maroñ ion bwebwenato ko kōn Kabuñ in. Ñe tōl jān Jetōb, jab āliklik nān kobaik ļok ainikiemi nān bwebwenato kein.

Ennaan eo an kojpeļ eo an Jisōs Kraist eoktak jān jabdewōt men kom̄ naaj kwaļoke ippān ro jet. Ilo tōre in eobrak kōn wāween leto letak meļeļe, ej men eo eorōk tata an meļeļe eo ilo aolepen laļ in. Ejjeļok kajjitōk kōn aorōk eo an. Ej juon bōōr eo eļap wōñāān (lale Matu 13:46).

Ñe kōnono kōn Kabuñ in, jejjab kajieoñ kōm̄man bwe en āinwōt em̄man ļok jān in. Jejjab aikuj in kwaļok ilōbwilej juon ukook eo em̄man ippād kōn ennaan eo ad. Jej aikuj kōnono kake ennaan eo ilo mool im kajju. Eļāñne jenaaj kōpeļļok to in kōnono ko, ennaan eo an kojpeļ eo kar kōjeplaaktok an Jisōs Kraist enaaj kwaļok e make nān ro me rej pojak nān bōke.

Ewōr men ko eļap aer oktak—juon oktak eo eļap ilo meļeļe—ikōtaan wāween eo jej eñjake kōn Kabuñ in āinwōt membōr ro im wāween eo ro jet rej lale jān itulikin. Eñin ej pedped in un eo jej kōm̄mane juon iien kaloojoj an imōko nān tampeļ ko mōkta jān an kajjojo tampeļ aje bōk jikin. Membōr ro ej baļintier ilo iien kaloojoj an juon tampeļ rej kajieoñ jipañ ro jet lo Kabuñ in ilo aer lo jān itulowa. Rej kile Kabuñ in ej juon jerbal ekōpaļpaļ im kabwilōñlōñ, im rej kōņaan ro jet nān jeļā barāinwōt. Ij kajjitōk ippami nān kōm̄mane ejja āinwōt.

Ij kalim̄muri kom̄ bwe eļāñne kom̄ naaj uwaaki kūr eo nān kwaļok tōmak ko im eñjake ko ami kōn kojpeļ eo kar kōjeplaaktok an Jisōs Kraist, jitbōn iakwe im jitbōn peran enaaj eo mōttami iien otemjej, nān “yokwe e eweppān ej joļok lōļñoñ” (1 Jon 4:18).

Eñin ej juon tōre eo kōn kōļapļok iien ko rem̄man nān kwaļok kojpeļ eo an Jisōs Kraist ippān ro jet. Kōm̄man bwe jān kōpooj kōj make nān bōk ñae iien ko rem̄man litok nān kōj nān kwaļok tōmak ko ad, Ij jar ilo ettā ilo etan Jisōs Kraist, amen.